

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška sredstava planiranih u Budžetu Zeničko-dobojskog kantona za 2023. godinu na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 - „Tekući transferi drugim nivoima vlasti“, subanalitika LAX001 - „Tekući transfer za nabavku vakcina“, subanalitika LAX008 - „Tekući transfer za JU Institut za zdravlje i sigurnost hrane Zenica“ i subanalitika LAX012 - „Tekući transfer za JU Institut za zdravlje i sigurnost hrane Zenica za istraživanje“, broj: 02-11-8309/23 od 19.05.2023. godine, na prijedlog Ministarstva zdravstva, Vlada Zeničko-dobojskog kantona, na 30. sjednici, održanoj dana 03.08.2023. godine,
d o n o s i

ODLUKU

o odobravanju sredstava JU Institut za zdravlje i sigurnost hrane Zenica za finansiranje istraživanja iz oblasti zdravstva

Član 1.

(Predmet)

Odobravaju se sredstva JU Institut za zdravlje i sigurnost hrane Zenica u iznosu od 100.000,00 KM (slovima: stotinu hiljada konvertibilnih maraka) za finansiranje istraživanja sljedećih naučno-istraživačkih programa iz oblasti zdravstva u 2023. godini:

- a) procjena stanja oralnog zdravlja djece predškolske dobi,
- b) istraživanje energetske vrijednosti i prisustva kontaminanata u hrani namijenjenoj osjetljivim i ugroženim grupama stanovništva,
- c) istraživanje provedbe skrininga karcinoma grlića materice na području Zeničko-dobojskog kantona i
- d) procjena učestalosti, težine i načina prijavljivanja reakcija nakon vakcinacije protiv COVOD-19 kod stanovništva Zeničko-dobojskog kantona.

Član 2.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100, subanalitika LAX012, pozicija „Tekući transfer za JU Institut za zdravlje i sigurnost hrane Zenica za istraživanje”.

(2) Sredstva odobrena odlukom će se transferisati u ukupnom iznosu na žiro-račun JU Institut za zdravlje i sigurnost hrane Zenica broj: 1995130020696511, otvoren kod Sparkasse bank, na osnovu ove odluke.

Član 3.

(Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija i JU Institut za zdravlje i sigurnost hrane Zenica, svako u okviru svoje nadležnosti.

Član 4.

(Izvrštavanje)

(1) JU Institut za zdravlje i sigurnost hrane Zenica dužna je izvijestiti Ministarstvo zdravstva o namjenskom utrošku sredstava, dostavljanjem konačnog izvještaja o utrošku sredstava za realizaciju programa za period januar - decembar 2023. godine do 15.01.2024. godine.

(2) U slučaju nepostupanja prema članu 4. stav (1) ove odluke, JU Institut za zdravlje i sigurnost hrane Zenica je dužna odobrena sredstva uplatiti u korist Budžeta Zeničko-dobojskog kantona.

Član 5.
(Stupanje na snagu)

Ova odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Amra Mehmedić

Broj: 02-11-12313/23

Datum, 03.08.2023. godine

Z e n i c a

DOSTAVLJENO:

1x Ministarstvo zdravstva,

1x Ministarstvo finansija,

1x JU Institut za zdravlje i sigurnost hrane Zenica, putem Ministarstva,

1x „Službene novine Zeničko-dobojskog kantona“,

1x a/a